

TYSVÆR KONTROLLUTVAL

PROTOKOLL

Tysdag 5. mars 2013 blei det halde møte i Tysvær kontrollutval under leiing av utvalsleiar Jakob Alstveit.

MØTESTAD:	Kårstørommet, Tysvær rådhus
MØTESTART/-SLUTT:	kl. 18.00 – kl. 20.20
MØTANDE MEDLEMMER:	Jakob Alstveit (Sp), Gunnar Egge (V), Laila Ramstad Nemeth (A), Randi Rettedal (Frp) og Tormod Førland (H)
FORFALL:	Ingen
MØTANDE VARAMEDLEM	Ingen
FRÅ SEKRETARIATET MØTTE:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ REVISJONEN MØTTE:	Revisor/manager Trond Kampen, KPMG AS
ANDRE SOM MØTTE:	Ingen
MERKNADER TIL INNKALLING	Ingen
MERKNADER TIL SAKLISTE:	To saker blei meldt under Eventuelt. Sak 5/13 blei handsama som fyrste sak.

FØLGJANDE SAKER BLEI HANDSAMA:

SAK 1/13 GODKJENNING AV PROTOKOLL FRÅ MØTE 20.11.12

Sekretariatet si innstilling:

Protokollen frå møte i kontrollutvalet 20.11.12 blir godkjent slik han ligg føre.

Handsaming i kontrollutvalet 05.03.13:

Randi Rettedal meinte at i sak 2/12 under pkt. 2 mangla orda «at det blir». Elles ingen merknader.

Samrøystes vedtak i kontrollutvalet 05.03.13:

Protokollen frå møte i kontrollutvalet 20.11.12 blir godkjent, med tillegg av orda «at det blir» i sak 24/12 pkt. 2.

SAK 2/13 REFERATSAKER 05.03.13

1. Opne møte i kontrollutval og kommunale føretak frå 01.07.13
2. Skatteregnskap – årsrapport og årsregnskap for 2012
3. Skatt vest - kontrollrapport 2012 vedk. skatteoppkrevjarfunksjonen for Tysvær
4. Statusoversikt mars 2013
5. NKRF si konferanse 06.-07.02.13
6. Sjukefravær 4. kvartal 2012 og totalt for 2012

Handsaming i kontrollutvalet 05.03.13:

Leiar informerte om at plan for selskapskontroll og plan for forvaltningsrevisjon blei vedtatt av kommunestyret i desember. Særutskrift er ikkje mottatt.

Utvalet reagerte på at samla sjukefráværspersent igjen viste ei auke og ønskte ny orientering i neste møte om kva kommunen gjer for å følgje opp dei langtidssjukemeldte. Sist orientering om HMS-arbeidet i kommunen var i mars 2010 v/kommunalsjef og personalkonsulent.

Samrøystes vedtak i kontrollutvalet 05.03.13:

Kontrollutvalet tar referatsakene 1-6 til orientering.

Kontrollutvalet vil be om ei orientering om arbeidet med dei langtidssjukemeldte i kommunen i neste møte.

SAK 3/13 RAPPORT – SELSKAPSKONTROLL – INTERKOMMUNALT ARKIV I ROGALAND (IKA) IKS

Sekretariatet si innstilling:

1. Tysvær kommunestyre tek den framlagde selskapskontrollen av Interkommunalt Arkiv IKS til etterretning.
2. Rapporten vert oversendt eigarkommunane og selskapet. Selskapet vert bedt følgje opp rapporten sine konklusjonar og tilrådingar. Kontrollutvalet følgjer opp tilrådingane når det gjeld selskapet i løpet av hausten 2013.

Handsaming i kontrollutvalet 05.03.13:

Utvalet drøfta rapporten, som dei meinte ikkje var like lett å lese. Innstillinga var også noe vag. R. Rettedal meinte fyrste kulepunkt i rapporten på side 5 burde vore delt opp i eige punkt, slik at tilrådinga om «*en årlig, skriftlig egenvurdering*» når det gjeld styret si habilitet, hadde komme tydelegare fram. Utvalet slutta seg sekretariatet si endra innstilling.

Samrøystes vedtak i kontrollutvalet 05.03.13 og innstilling til kommunestyret:

1. *Tysvær kommunestyre tek den framlagde selskapskontrollen av Interkommunalt Arkiv IKS til etterretning.*
2. *Rapporten vert oversendt Tysvær kommune som eigarkommune og kommunen v/ordførar og rådmann vert bedt om å følgje opp rapporten sine tilrådingar.*
3. *Kontrollutvalet følgjer opp tilrådingane når det gjeld selskapet i løpet av hausten 2013.*

SAK 4/13 KONTROLLUTVALET SI ÅRSMELDING 2012

Sekretariatet si innstilling:

Kontrollutvalet i Tysvær godkjenner årsmelding for 2012.

Tysvær kommunestyre tar årsmeldinga for 2012 frå kontrollutvalet til orientering.

Handsaming i kontrollutvalet 05.03.13:

Det blei vist til feil under pkt. 2 om møte- og talerett. Etter utvalet sitt reglement pkt. 7.4 har leiar og nestleiar møterett i kommunestyret og talerett i utvalet sine saker. Dette var ei utviding frå lov og forskrift. Utvalet meinte årsmeldinga elles gav eit rett bilete av aktiviteten i fjor og slutta seg til innhaldet

Samrøystes vedtak i kontrollutvalet 05.03.13:

Kontrollutvalet i Tysvær godkjenner årsmelding for 2012 med ein retting under pkt 2 om møte- og talerett.

Samrøystes innstilling til kommunestyret 05.03.13:

Tysvær kommunestyre tar årsmeldinga for 2012 frå kontrollutvalet til orientering.

SAK 5/13 UTKAST TIL PROSJEKTPLAN – SAMHANDLING I TYSVÆR KOMMUNE

Sekretariatet si innstilling:

Tysvær kontrollutval bestiller forvaltningsrevisjonsprosjektet ”Samhandling i Tysvær kommune” i tråd med det utkastet til prosjektplan som ligg føre (evt. med desse endringane).

Ramma vert sett til 200 timar.

Handsaming i kontrollutvalet 05.03.13:

Revisor gjorde greie for prosjektet sitt føremål og utkast til problemstillingar. Utvalet reagerte på endring av bestilling frå «Samarbeid på tvers av tenesteområda» til «Samhandling» og meinte at orda ikkje uttrykte det same. Etter framlegg frå leiar vart utvalet samd i å bytte ut Flyktingtenesta med tilbod innan Psykiatri/rus, då dei vurderte denne tenesta som meir aktuell å sette fokus på.

Samrøystes vedtak i kontrollutvalet 05.03.13:

Tysvær kontrollutval bestiller forvaltningsrevisjonsprosjektet «Samarbeid på tvers av tenesteområda i Tysvær kommune» i tråd med utkast til prosjektplan som ligg føre med desse endringane:

Prosjektet vert kalla « Samarbeid på tvers av tenesteområda» og ordet «samhandling» og «tverrfagleg samarbeid» vert bytta ut med «samarbeid på tvers av tenestområda». Prosjektet vil sjå nærare på tilbodet innan økonomisk sosialhjelp, barnevern og psykiatri/rus.

Ramma vert sett til 200 timar.

EVENTUELT

Sysco Arena-saka

L. Nemeth ønskte ei orientering om saka. Leiar var til stades på formannskapsmøte i januar der styreleiar og rådmann orienterte. Utvalet drøfta prosessen i forkant og om saka hadde vore skikkeleg utreda før vedtak. Tre av medlemmene gjorde merksam på at dei hadde vore med under kommunestyrehandsaminga og ville dermed vere ugilde. Utvalet valde å avvente saka.

Skjoldastraumen og barnehageutbygging

R. Rettedal viste til e-post 27.02.13 frå Aksjonsgruppa «Skjoldastraumen i fokus» der dei ber om at kontrollutvalet kan sjå om det er grunnlag for å sjå nærare på saka og på prosessen. Ho hadde ikkje oversendt e-posten til sekretær eller hadde den med seg i møte. Saka var difor noko uklar, men det var klart at dei hadde fleire spørsmål i etterkant av folkemøte i februar om tidlegere vedtak og planar framover for bygda.

Utvalet var samd i å sende over saka til rådmannen slik at spørsmåla kunne bli svara på. Vidare ønskte utvalet å kalla inn rådmannen til ei orientering i neste møte, jf. utvalet sitt reglement pkt. 6.1.

Lesebrett

Leiar opplyste at han to gonger har nemnd for ordførar at det er to medlemmer som ikkje har lese Brett. Utvalet vil sterkt oppmoda om at utvalet blir tildelt Brett så snart som mogeleg, då utvalet er lovpålagt og skal følgje med på kommunen sine dokumenter og postlister.

Neste møte

Neste møtedato er sett til tysdag **28. mai** for uttale om rekneskap 2012. I følgje møteplan skal det vere formannskapet ha møte 11.juni og kommunestyret tysdag 18. juni. Leiar melde forfall til neste møte.

Aksdal, 5. mars 2013

Jakob Alstveit (sign.)
Kontrollutvalsleiar

Toril Hallsjø (sign.)
Utvalssekretær